

արժէքն է 80-ից սկսած մինչև 100—115 ուր.
որ աղքատ գիւղականի համար մի ահագին գու-
ժար է: Բայց ի սէր երկրագործութեան, ի սէր
վար ու ցանքի և դաշտային ծանր աշխատանքնե-
րի, Ուտիացի Հայը իւր բերանից կկտրի, իւր ըն-
տանիքի անդամներին հագուստից կզրկի, ահագին
տոկոսներով պարտքերի տակ կմտնի յատկապէս ու-
ժեղ, արագաշարժ և լաւ լուծ կրող գոմէշներ ձեռք
բերելու, որոնց համար համար իւր կեանքն ան-
գամ չի խնայում:

Ահագին տարածութեամբ Ուտիացի Հայը ոչ
միայն ամեն տեսակ հացահատիկների և բրնձի
մշակութեամբ է պարապում, այլ և անասնաբու-
ծութեամբ և այգեպանութեամբ: Ուտիացին իւր
տան չորս կողմը զարգարում է զանազան տեսակ
պտղատու այգիներով, որոնց մէջ հազարաւոր և
բիւրաւոր թթենու մատաղահաս ծառեր է տըն-
կում, յատկապէս մետաքսի որդերին կերակրելու
համար: Մետաքս, որ Ուտիացոց աշխարհի ազգա-
բնակութեան գլխաւոր և շահաւէտ պարապմանց
ճիւղերից մինն է: Այգիներում և տան մօտակայ
արօտատեղերում նոյնպէս դուք կտեսնէք ընտիր
կաղնու բազմաթիւ տնկարաններ՝ ուղիղ և կա-
նոնաւոր գծերի ուղղութեամբ տնկուած շարիշար,
որոնք առատ տարիներին ահագին արդիւնք են
տալիս ժրաշան մշակող գիւղականին: Ուտիացոց
աշխարհում խաղողի վազի մշակութիւնը իւր
նախնական անդրձրհեղեղեան վիճակի մէջն է դեռ
ևս. այսինքն՝ խաղողի վազերը առհասարակ փա-
թաթուած են լինում ահագին ծառերի վրայ: Այն-